



慕中丞疏稿序



國家肇造方夏景命維新



必篤生賢材以佐之詩曰保茲

天子生仲山甫明其為間氣所

鍾懿德所萃將以作屏於王室

也及其經營四方揔領諸侯則  
曰王命仲山甫式是百辟既而  
推原其功名所從出使天下知  
事業所以爛然者要本於忠君  
愛國之一心其詩曰夙夜匪懈  
以事一人而又以天子之大臣  
藉以贊密勿持國是不宜久處  
於外遂揔其事而賦之曰式遄  
其歸嗟乎有非常之君必有非  
常之臣特其一時君臣相與之

際所由宣上德達下情者其言  
或傳或不傳即傳矣天下後世  
未必盡以為可歌而可思者遂  
謂古今人不及而世風之降  
言擇其便少不便寧不言天下



P<sub>2</sub>后缺

序

古之言江南者曰灌注天下之半  
後世賦役滋繁稱國家外府其地  
尤重然求賦役所自出一在土田  
一在戶口自今言之二者之流弊  
日甚則以地利盡失逋戶積多兼  
之徵調不時軫恤無術也聞之故



老所傳善撫江南者必以文襄周公爲稱首而文襄之治以興利除害爲急務以轉移節適爲便宜以濬河築圩均平米立兌運爲成法乃行之三百餘年寢失其意繼起而修其事者不賴有今日乎蓋今之所待於興革非一事矣問太湖

之水何以不溢而吳淞之故道已亾問三婁之水何以不壅而劉河之海口已淤問昆尙諸湖之水何以不積潦於田間而白茆已廢問江潮洸練之水何以宣洩何以灌溉而孟瀆已湮此水利不修而旱澇因之江南之所以每多荒歲也

問逋賦之積盈於千萬何以使新  
舊之不困於竝徵問荒地之糧懸  
爲千萬何以使官民之不貽於永  
累此版荒坍荒公占竝屬無徵江  
南之所以弊於虛額也至天時之  
不無水旱河道之不無決塞問饑  
寒之族轉徙之戶何以生全若軍

興之際有調遣卽有舟楫有駐防  
卽有營房間邪許之役播遷之家  
何以寧止此尤事變之出於權宜  
不可不先時爲補救者也自康熙  
九年冬隴千慕先生來爲方伯十  
三年有輯瑞陳言八疏爲世所傳  
誦尋膺



簡命晉開府凡地方利害知無不言  
言無不行行無不效如請疏請濬  
議築議挑江河之工次第畢舉視  
文襄之立表開江其地加闢其功  
加廣矣如請蠲請賑請減請緩以  
至給米給錢給糜給豆視文襄之  
定減額以清逋撥餘米以備賑爲  
時尤迫爲事尤難矣如建營房而  
圈占以免僱水手而牽挽以息小  
民之居者行者無不去危卽安又  
不可與文襄無事之時同日而語  
矣此皆出於

皇  
心之仁愛軫念民艱故凡有請命  
輒蒙報可而亦先生一念之精誠

百慮之敬慎足以仰致其用圭之  
告也升不敏生長江南竊有志當  
世之務得目覩先生之行事無一  
不爲地方計久長而又綜理周密  
每事必求其精當數年以來得于  
需次之暇採取諸士大夫之說薈  
萃成編爲興革事宜畧四卷弄之

封事總目

撫吳封事

第一卷

題奏疏一十四道

第二卷

題奏疏一十三道

第三卷

題奏疏一十七道

第四卷

題奏疏一十三道

第五卷

題奏疏二十道

第六卷

題奏疏一十一道

第七卷

題奏疏一十九道

第八卷

題奏疏一十三道

到卷

大虞鶴鳴父著

謝天恩

江蘇巡撫謝恩

淮揚二屬

請蠲山高等屬災田錢糧

恭報微臣

司任交代錢糧

恭謝天恩

節省錢糧加級謝恩

臣陳被災

緩徵災邑十六年錢糧

淮揚二屬

請帶徵山清等邑淹田漕糧漕項

邑令更調

請復嘉定陸令原職

恭謝天恩 加兵部侍郎謝恩

欽奉 恩詔 題覆豆草折價

明盜劫 覆部駁自首盜招

酌計墾荒 丹徒復沙起科

請丈蘆洲 清丈江蘇等屬蘆課

請旨 覆江南水艚犁船等船

遵旨會議 捐造烏船委官限期

總理糧儲提督軍務巡撫江寧等處地方都察院右副都御史臣慕天顏謹

奏為恭謝

天恩事竊臣一介鄙儒從縣令起家歷陞興化知府甫擢

荆楚道員隨以福建督臣劉兆麒具疏

題留蒙

恩准奏改授分守興泉道副使旋奉

恩綸念江南錢糧繁多不以臣為謏劣特陞江蘇布政破

格超遷受

命以來夙夜祇畏勉圖報稱其如淮揚一帶連年水患蘇

松等府賦重積逋從前每年懸欠賦額不下六七十  
萬臣蒞任之後竭力督催悉心清理雖每年所欠止  
有一十餘萬然不能盡數全完則臣之才力短淺不  
知捫心自揣布政一官尙慮綆短汲深時宜  
懼茲以巡撫缺員復蒙

皇上於廷推諸臣之外越次用臣臣思江南  
賦輿區當此隣封多事籌兵措餉防禦  
艱必須文武兼優才望素

謬蒙

皇上寵眷有加無已驚聞

成命下頒不覺汗流浹背臣感激

殊恩雖肝腦塗地亦不足仰報

知遇於萬一曷敢控辭惟有益加黽勉竭盡駑駘潔已奉  
公保障此方少紓

皇上南顧之憂已耳臣謹具疏恭謝

天恩伏乞

睿鑒施行

康熙十五年八月二十四日具

奏奉

旨該部知道

總理糧儲提督軍務巡撫江寧等處地方都察院右副都御史臣慕天顏謹

題爲淮揚二屬河決冲淹特甚災黎困苦益深謹具詳會

題仰祈

睿鑒事該臣看得今歲大江南北先遭霖雨連綿河湖並漲更兼隄決冲漫洪流肆橫以致田地陸沉民生困苦其被淹情形災傷分數經總督臣阿席熙會疏具題部臣議覆安徽廬鳳等處五月內被淹田地多方屛救俱不成災則江蘇等府屬地居江南一省被災又



屬同時豈有不行補種之理臣部見將該督提報衛  
所州縣分數蠲免議覆不便准從等因咨行督臣移  
會到臣隨經備行各該司府轉行各屬遵照在案今  
據署司事叅議方國棟詳稱安徽等屬地多高阜勢  
若建瓴上游洩瀉容易偶被水淹旋可補救蘇松等  
屬地居下流今夏狂霖注溢汪洋而淮揚又加河湖  
冲决泛濫莫制被淹尤甚若使槩請

題蠲以

國用浩繁難邀議允今議蘇松常鎮各災邑多方調劑

勸輸另詳定奪卽淮揚各邑向來成熟今歲被淹田  
地與連年積災不同應遵勉輸其山清塩高興等七  
州縣原報新涸田地係歷年積淹久未成熟茲復沉  
沒將來涸出尙須招徠開墾何從責令徵輸懇再會  
題將一切起存地丁錢糧并漕糧漕項槩賜蠲停等情

臣查蘇淮各府屬地勢窪下受患誠深非比安徽各  
府上游易于洩瀉可以屛救補種但經部議不准蠲  
免當此需餉浩繁敢不仰體持籌至意竭誠勸輸除  
蘇松等府屬被災田地及淮揚二屬向經成熟今歲

被淹地畝錢糧見飭司府州縣各官多方調劑酌議  
催徵外惟是淮屬山陽清河鹽城揚屬高郵泰州興  
化寶應七州縣所報康熙十三年涸出田地內共九  
千一百四十一頃三十五畝三分八釐八毫二絲原  
係積淹新涸本年三月內前撫臣馬社于微臣目覩  
等事案內

題請于康熙十五年起徵斯時尙未復淹至夏間河決  
衝沒田沉水底廬舍漂淌人民無家可棲安得有田  
補種非比蘇松等處雖災傷家室尙有田主可問

一特恩簡在身在地方惟以

國計民瘼爲念非不知餉用匱乏之誼當竭力佐  
黎顛連疾苦敢不據實指陳况所請蠲數無多 全  
民生實衆仰懇

睿慈俯念山高等屬冲淹獨甚民困益深將原報涸出仍  
淹田畝地丁起存錢糧並漕糧漕項

特賜破格蠲免以廣

皇仁庶

國計民生兩有攸賴矣既據該司呈詳前來臣謹會同  
總督臣阿席熙總漕臣帥顏保合詞具

題伏乞

勅部議覆施行

康熙十五年十月十五日

題奉

旨該部議奏

總理糧儲提督軍務巡撫江寧等處地方都察院右副都御史臣慕天顏謹

題爲恭報微臣前任藩司交代錢糧已明仰祈

睿鑒事竊臣一介鄙儒才力疎淺謬蒙

皇上殊恩先授以財賦之專司今叨任封疆之重寄奉

命之日跼蹐不遑益矢報効檢查臣經任六年錢糧冊卷

筭造交盤臣自康熙九年十月十六日履任江藩接

原任布政使佟彭年交下錢糧僅止有一萬八千四

十一兩四錢九分零又署司叅政遲日震交下銀錢

五萬七千五百六十八兩六錢四分零共該舊管銀

錢七萬五千六百一十兩一錢三分零臣任經收節  
年正雜等項錢糧到任起至康熙十二年十一月十  
九日赴京入

覲止又自康熙十三年二月十三日回任起至康熙十五  
年九月十九日交印止除漕狼等營各年兵餉并各  
項派撥徑解收放銀錢一百六十一萬八千二百五  
十六兩二錢零另冊開造外司庫實收銀錢一千二  
百七十七萬一十九兩二錢五分零及參政遲日震  
于十二年冬因臣入

覲復署藩司任內收銀錢四萬九千三百三十七兩一錢  
四分零通共新收銀錢一千二百八十一萬九千三  
百五十六兩三錢九分零臣任經放節年兵協等餉  
一應撥欸額欸錢糧共放銀錢一千一百四十四萬  
五千二百二十九兩八錢零并署司遲日震經放銀  
錢一十五萬二千三百九十七兩九錢六分零通共  
開除銀錢一千一百五十九萬七千六百二十七兩  
七錢六分零現存司庫實在銀錢一百二十九萬七  
千三百二十八兩七錢七分零當卽按數照欸盤兌

明白交與今署司參議方國棟接受訖爲查江蘇等  
八府州屬向來考成積欠甚多以致司庫那墊混淆  
當臣初蒞之時正署兩任交存庫銀無幾臣兢兢會  
計日夜拮据雖不敢謂持籌得宜然以  
國帑爲重減省浮費一分卽裕正餉一分况兼邇年軍  
需浩繁敢不嘔心勉慎六載之中餉用幸已無悞庫  
藏尙有蓄儲其細款數目條分縷晰具載在冊不敢  
臆瀆

聰卽如康熙十五年從春及秋外協本省各項餉需俱

經按限解支外

臣蒙

簡任巡撫之時計有貯庫銀二百萬兩之數因九月初間  
連接部文撥江楚協餉數日之內發解銀六十九萬  
兩又續放本地兵餉今尙存庫實有銀一百二十九  
萬七千餘兩臣惟凜奉

功令森嚴故得款項清楚至臣竭力督催支應皆臣職分  
之所當爲惟是量入爲出其間支解之數並無那混  
纖毫今逐細歸款造冊雖臣自信明確但數目繁多  
必須覆核方見無欺仰請

皇上勅下督臣行令接任官逐一查明批卷冊籍詳呈督  
臣再加親核具

題聽部察奪錢糧重大臣若稍有未明督臣必不扶同  
瞻徇庶臣之自信者足以取信于督臣而督臣之信

臣者可以請信我

皇上矣除臣將各項冊卷交署司事參議方國棟查呈督

臣阿席熙核

題外今據署司造呈四柱簡明總冊前來臣經覆核明

白現在送部查核臣謹先疏

題明伏乞

睿鑒施行

康熙十五年十一月初六日

題奉

旨該部核議具奏蘇松等處錢糧浩繁向來那摯混淆慕  
天顏任布政使後實心任事竭力清釐有裨國計據奏  
交代貯庫銀兩甚多欸項清楚深爲可嘉知道了以後  
各布政司交代時應照此式詳明開造察明具題該部  
一并定例議奏

谷亦短而交外州風別凡... 天德升而地效... 朕奉

總 糧儲提督軍務巡撫江寧等處地方都察院右副都御史... 為恭謝

天恩事康熙十五年十二月初七日准吏部咨為清查錢

糧事文選清吏司案呈奉本部送吏科抄出該本

覆戶部題覆江寧巡撫慕天顏題前事等因康熙十

五年十月二十日奉 旨依議欽此欽遵于十月二十三日抄出到部該臣等

得戶部覆江寧巡撫慕天顏疏稱蘇松常三府有

年缺兵缺馬等項節省銀錢共一萬七千九百七十

九兩六錢零查前項銀兩巡撫慕天顏既稱在左  
司時清出應請

下吏部照敘布政司例議敘前來查定例內布政司直  
隸管糧守道節省銀一萬五千兩以上者加一級等  
語今江寧巡撫慕天顏在布政司時清出銀錢一萬  
七千九百餘兩既經戶部題明照布政司例議敘應  
于新任內加一級等因康熙十五年十一月十二日

奉

此欽遵移咨到臣准此伏念臣才識疎庸蒙

皇上殊恩叨寄重任當此軍興孔亟

國用維艱凡屬臣工自當殫心籌畫以圖報效臣無才  
長足錄日切懷慚抱疚茲者臣于前任江藩將蘇松  
常三府各年缺兵缺馬等項節省銀錢一萬七千九  
百七十餘兩少佐軍需此臣分所當然何敢仰邀

敘錄廼蒙

皇上洪恩加臣一級臣聞

命自

天惶悚無地惟有竭蹶駑駘冀報



高深于萬一耳除虔設香案望

闕叩頭謝

恩祇受外臣謹具疏恭

謝伏乞

睿鑒施行

康熙十五年十二月十五日具

奏

總理糧儲提督軍務巡撫江寧等處地方都察院右副都御史加一級臣慕天

題為亟陳被災極困屬邑仰懇

皇仁寬恤特賜緩徵以撫災黎事該臣看得淮揚二屬山

清盭桃高泰興寶八州縣連年積荒民生困苦上年

復遭河湖堤決將熟涸田地衝淹災黎顛連益甚臣

經特疏具


題荷蒙

皇上准將康熙十三年分原報涸出于十五年復被水淹

田地起存錢糧照例蠲免三分欽遵在案今據布政

使丁思孔詳稱山陽高郵等八州縣河決衝淹被災之苦較之蘇松等處更屬不同請將康熙十六年應徵額賦于六月初一日開徵考成亦于六月初一日筭起所緩不過半載民力可以暫寬詳請具

題臣因康熙十六年分應徵錢糧係關撥餉急需據請緩徵誠恐有悞兵餉復批該司詳議今據覆稱災邑遭黎徵之驟難有濟于餉徒滋民困若寬至六月開徵先將提解司庫熟邑錢糧儘放上半年兵餉而以災邑將來輸解抵充下半年軍需一轉移間不惟兵



欠之數已屬無多若欲責此凍餒哀號之子遺一時  
徵輸全完必致此僑失所仰懇

睿慈俯鑒山塩等州縣災困將康熙十五年應輸未完漕  
米並漕項錢糧

恩賜准照康熙六七八九年分年帶徵之例暫緩于康  
熙十六十七兩年分徵運解不過稍寬歲月于

國計原無虧損而災困遺黎獲免流離之苦矣既據該  
司通詳前來臣謹會同總督臣阿席熙總漕臣帥顏  
保合詞具

題伏乞

勅部議覆施行

康熙十六年正月二十九日

題奉

旨該部議奏

總理糧儲提督軍務巡撫江寧等處地方都察院右副都御史加一級臣慕天顏謹  
題爲邑令更調已奉不准吳地繁雜實有不同仰祈

睿鑒特賜破格改補以收濟國惜才之效事康熙十六

年正月初十日准吏部咨前事內開考功清吏司案

呈奉本部送吏科抄出該本部覆江寧巡撫慕天顏

疏稱崑山縣首稱難治知縣曾榮科謹飭自好頗亦

見稱于民而徵糧未能率先丹陽地處極衝知縣管

承基黽勉驅策每以理劇勞瘁爲請雖于民事原無

失政而因例參罰仍冬不免金壇刁瘠多荒知縣李

隣勵于志而限于才現額錢糧尙未徵完墾闢荒地亦未全復難期振起速效嘉定縣知縣陸龍其操守稱絕一塵才幹實非四應是又德有餘而才不足者嘉定之糧更多于別縣安能以清靜宜民之人責其徵輸報最以上各官所謂棄之可惜留之難勝吳地賦繁實與他省不同必須才守兼優始克料理請

勅部准將崑山縣知縣曾榮科等循照何例議覆改用各員缺另行銓補等因前來查先經各該省巡撫以要地縣官有路當孔道首大兵經過無四應之才請改

偏僻地方員缺聽部揀選發往具題臣

時俱照該撫所題揀選補授其原官令其赴部

後經河南巡撫佟鳳彩題爲因地酌才等事一疏臣

部議嗣後督撫等有請將原任官員改補員缺揀選發往者槩不准行等因在案查該撫雖稱崑山縣知縣曾榮科謹飭自好頗亦見稱于民丹陽縣知縣管承基黽勉驅策于民事原無失政金壇縣知縣李隣勵于志而限于才嘉定縣知縣陸龍其操守稱絕一塵德有餘而才不足吳地賦繁實與他省不同必須

才守兼優始克料理將伊等循照何例議覆改用各員缺另行銓補等語但查改補之例已停應無庸議又查該撫疏稱曾榮科徵糧未能率先管承基因例叅罰仍多不免李麟現額錢糧尙未徵完墾荒亦未全復陸龍其才非四應等語定例內官員才力不及者降二級調用知縣曾榮科管承基李麟陸龍其均應比照才力不及例各降二級調用等因康熙十五

年十二月十九日奉

旨依議欽此欽遵抄部送司相應移咨前去遵奉

旨內事理欽遵施行等因到臣隨經遵奉檄行江蘇左

司轉飭各官知照聽候部選新員到任交代外竊念臣奉

命巡撫江寧有總理糧儲之責蒙

恩深重首以催徵裕餉爲急務而蘇鎮等屬均係賦繁民疲之地思得早副考成卽可以資

國用如崑山嘉定丹陽金壇積逋尤多非才猷十分揮霍曷能徹底清釐曾榮科等四令在任原無不職而接徵積年夙逋催科難以報最倘若因循卽將此等

官員罷斥究與

國計無益况各官本皆有用廢棄誠爲可惜是以臣再  
四籌維既欲足餉以裕

國復思爲

國以惜才而更調繁簡無例可循故將各官才守政事

據實指陳於

皇上之前聽候部議今蒙部覆曾榮科等照才力不及例

降調除曾榮科管承基李隣三員飭令查明任內

糧事案候代交盤明白取結給文赴補外

知縣陸龍其一官任嘉一年有餘委係冰操一塵不

染士民口碑具在止因嘉定錢糧最多積欠極重難

返臣前疏所謂龍其才難四應者實不能四應于嘉

定也若授以稍簡之百里則必勵其素守惠愛百姓

策效將來尙期清華之選伏念我

皇上用循良治天下首以清廉愛民爲上考本官雖因地

方異常繁劇錢糧舊欠難完而清靜宜民臣於前疏

中備陳

睿聽臣敢冒昧上



請伏乞

皇上垂鑒龍其實係廉吏

特勅部議准復原官補用爲天下廉吏勸並祈

天恩俯察微臣原題爲國計之急需起見今

請以人才之難得爲心曲賜矜宥臣愚幸甚理合具

題伏乞

勅部議覆施行

康熙十六年二月初三日 題奉

旨吏部議奏

總理糧儲提督軍務巡撫江寧等處地方兵部右侍郎兼都察院右副都御史加一級慕天顏謹

奏爲恭謝

天恩事康熙十六年二月二十二日准吏部密咨爲敬陳

減差等事內開文選清吏司案呈奉本部送

御前發下紅本該本部覆兵部密咨前事該臣等議得江

寧巡撫慕天顏裁過驛站銀一十萬兩以上應准加

一級又例內兼右副都御史之督撫因功加一級授

爲兵部右侍郎等語查慕天顏見係都察院右副都

御史今加一級應授爲兵部右侍郎兼都察院右副

都御史照舊管事驛傳道金鎮裁銀一十萬四千兩  
以上應照例于見任內加六級紀錄四次可也等因

康熙十六年二月初一日奉

旨慕天顏着加爲兵部右侍郎兼都察院右副都御史照  
舊管事餘依議欽此欽遵密封到部相應行咨案呈到  
部擬合就行爲此合咨前去煩爲欽遵查照施行等

因到臣竊臣庸劣菲材謬承

簡命出守東南財賦之區受事以來凜念兵興孔亟餉用  
殷繁而蘇松等處民力凋瘵淮揚地方累歲災傷正

管山縣傳道金銀被銀一十萬四千兩

以上應...

...

...


...

...

...

...

...



苦累兵民請仍給本色爲覆臣查料豆一項原產自山東河南二省河南至江南悉係陸路盤運較難惟山東可通水路盤運較易然必經由運黃淮河過淮安揚州諸關由閘出江以達江南其間僱船裝載權關輸納稅料守風阻淺盤剝過壩所費水脚恒倍於產地之正價其本省江北鳳宿等處雖附近魯豫亦產料豆而相距江寧京口松江崇明用豆之處路踰一二千里不等與魯豫二省盤運程途原不相上下且料豆貯倉候放則有盤斛挑運鋪墊席木等項而

市斛買進倉斛放出升斗大小以及篩颺狼籍潮濕  
霉爛種種虧折耗費勢所不免故往年江南豆價俱  
至一兩內外其草束一項雖係賤物而體質蓬鬆運  
解脚力較之他物爲更倍其在鄉村則賤卽本地而  
運入城市其值又必倍浮且買供芻秣動盈千萬非  
當地可以辦足必四方購覓舟車盤運堆垛候用一  
經風雨浥爛虧折尤難勝計是以往年草價俱至一  
分二三釐不等大抵物價之低昂在產處則賤遠運  
而加以脚費則貴商聚則賤商阻而市貨空虛

平常無事民間零買不多則價自平若遇軍

一時驟買數多其價必至騰湧誠早晚不同遠

別物值之難齊從古爲然斷難以一隅之價可爲滿

省之定準以一時偶賤之價槩定歷年駐兵之市值

也卽如康熙十三年軍興旁午征調四出駐防經臨

兵馬俱需豆草各省同時採買爲數既多更值逆氛

初發道途戒嚴商賈不通比時購買維艱價值騰湧

料豆每石價至一兩之外草每束一分以外至康熙

十四年馬匹糧料雖俱減省然各處收成歉薄其價

不能甚平豆每石尙在九錢之外草每束亦須一分  
一二釐不等故前撫臣馬祐條奏折價定議豆每石  
九錢草每束一分蓋以給兵自買可省貯倉盤運篩  
颺虧折之脚耗原從節省起見斟酌時值確估奏  
請今部議以江北地近產豆省分議價浮多覆

請會議務期節省臣稟念

國用浩繁細訪各年豆值俱係一兩內外草值一分以  
外卽上年六七月以前下江之江寧蘇州京口豆價  
仍在八錢之外上江安慶等處亦七八錢不等惟八

九月間產處秋收頗稔販運南下之商賈連檣輻輳  
江蘇豆價僅止六錢草價八釐乃從來未有之賤價  
及交十月十一月豆價仍又長至七錢草價長至九  
釐矣如部員溫代所探桐城舒城廬州三處六七月  
間豆價三錢五分草價三釐三毫不過偏隅一時偶  
賤之值淮安撫臣靳輔咨稱廬郡舒桐一帶非係商  
販通津六七月間適遇收成之時鄉農所得糧食急  
欲貿易賣多買少是以其價頓賤然出產究竟有限  
至八月間有署副都統多諾駐廬養馬需豆萬餘廬

郡豆價一時貴至八錢三分草亦貴至一分之外部  
 員溫代復往長沙過廬之所日擊而桐舒豆價亦貴  
 至七錢有零卽此三處僅隔一月而貴賤頓殊誠不  
 可執一而論此安撫臣靳輔見在地方聞見最真故  
 言之鑿鑿也若部臣必以官員所訪一隅一時之價  
 將歷年採辦之數通行照減令經管各官按年追賠  
 累萬金錢在各官惟有喪身亡家之害究無補於實  
 濟而將來軍需豆草若責司餉官員務照此數  
 一員挾資遠販以博蠅頭誰肯虧本殘售

短價將必聞風買軍需設承辦之官

買以濟軍需而事後報銷駁減盈千累萬之金  
 能挖肉墊賠若欲照此值給兵自備則窮兵月餉有  
 限豈能枵腹而飼馬若欲責之里民辦納則江南自  
 姓賦繁役重已苦累難又又何堪額外派撥以重困  
 窮黎有負

皇上恤兵愛民之仁臣等督撫將軍提督身為封疆重臣

均叨鉅任思事

君之道惟在誠謹既不敢一字涉欺日干

斧鉞而目睹其勢所難行安敢將此累兵病民貽悞軍  
國之事隱默不言自蹈溺職之愆但當軍需浩繁

國帑告訕之日又安敢不盡心裁減稍省一分卽可裕  
餉一分臣等仰體

皇上節用生財至意屢經駁行江安兩藩司從長酌議如  
將豆草照舊採辦本色給兵則一應盤運倉廩鋪墊  
席木霉腐朽浥與支放之時搨颺狼籍諸項脚費虧  
折勢不能減則價值自必較貴若折銀給兵自買則  
無此項虧折比之採辦可以少省故各將軍咸以支  
折過虧兵丁難辦仍願支給本色是支折之省於辦  
本可知爲

朝廷撙節斷斷宜從折色今按訪時值酌中議折豆價每  
石七錢草價每束九釐倘時值稍貴亦不議增稍平  
亦不議減通融在內不致盈縮懸殊若遇大賁大賤  
之年再議變通此臣等再三確酌極力節省以期上  
不虧損

國帑下不苦累兵民其江南應行折給處所除安屬駐  
防徽州大兵該郡地處萬山之中商賈不通本地旣



無出產兵丁又難離汎遠購應仍以徽寧池太廣五  
府州額徵南豆協解供用其草束亦未便折價應聽  
地方官照時採買放給所有江南總督松江崇明提  
督三標江寧城守浦口溧陽三營官兵馬匹原支本  
色豆草俱應照數折價給兵自買惟駐防江寧京口  
旗兵馬匹各將軍以所議豆價七錢草價九釐爲數  
太少設商販不至價值必貴滿洲兵丁又難出城遠  
買全給折色則兵丁採買維艱應否准其半木半折  
聽部酌議定奪至江蘇二府額徵南豆并各州縣新  
併衛所屯豆仍徵本色分解江寧京口二處以供支  
放其草束與不敷之豆照舊採買放給據實報銷臣  
謹會同總督臣阿席熙安徽撫臣靳輔平寇將軍臣  
華善鎮海將軍伯臣王之鼎江寧提督臣楊捷崇明  
提督臣劉兆麒合詞具

題事關會議豆草折價瀝陳各處市值不齊採買艱難  
情形貼黃難盡伏乞

皇上睿鑒俯賜全覽

勅部議覆上

請行臣等遵奉施行再照此案限期應以臣蒞任日為始  
除去年節封印扣該康熙十六年三月初五日限滿  
理合一併

題明

康熙十六年三月二十一日

題奉

旨該部知道

總理糧餉總督軍務巡撫等處地方

那兼

臣級臣慕天顏謹

題為報明盜劫事該臣看得行劫史內盜犯  
王文英李謙吉蔡恂蔡復四名經臣援引強盜傷人  
未死例減等充軍具

題法司以文英得知蔣三在丹陽縣被獲事露始向王  
出首縣官審問文英供同李謙吉等合夥行劫遂閉  
城邀集眾紳聲言鄉紳子弟為盜若不送出請兵圍  
拏李坤蔡嘉禎始將子弟為盜情由首明且李謙吉  
蔡恂逃至塔山地方被捕快拏獲文英等與事未發

而自首者不同覆請

勅臣嚴審確擬遵行按察司將文英等自首情罪再行嚴  
審斟酌律例同續獲徐鳴九一併填審招擬去後茲  
據審詳訊據王文英等各供康熙十四年五月十一  
日行劫之後丹陽縣于十四日盤獲蔣三路隔百里  
文英則于十五日向主自首李謙吉蔡恂蔡復則俱  
于十四日各向伊兄李坤父蔡嘉禎說明非與嘉禎  
隨于十五日親至事主之家自首還銀緣失主史岱  
以已經報官不便收領原贓坤等即于十六日

投首僉供不知蔣三在於丹陽縣被獲

事主史岱口供夥盜蔣三在丹陽被獲十四日晚

信到金壇金壇捕快于十五日早往丹陽去而文英

與李謙吉之兄李坤蔡恂蔡復之父蔡嘉禎于十五

日晚向事主處說明揆之情事則文英等俱已風聞

蔣三被獲誠恐敗露懼罪出首是真至史岱所供係

官閉城門邀請眾紳令將為盜子弟送出原係

日之事而李坤蔡嘉禎赴縣首報該縣報文

六日早晨事在未經傳諭之前則坤等當日原不

縣官之傳諭始行出首可知若李謙吉蔡恂逃至某  
地方至十八日被捕快拿來情由訊據各共伊等  
懼罪暫避塔山田庄原在彼守候父兄投首信息十  
七得信十八即來途遇捕快並非拏獲按該縣初報  
原文備載伊父兄赴縣口稱伊等子弟結交匪類致  
罹法網現在鄉間願來投首等語揆此則謙吉等原  
非因縣捕至庄而始投到也查律例強盜親屬首告  
到官按告者之親屬服制分別附近邊衛充軍以  
論犯者之願首與不願首其本犯自而令其相

隱之親屬爲首及相告言則各如罪人身自爲首法  
得全免其罪又不僅免死充軍而已今謙吉等父兄  
既先赴縣陳明伊等子弟願來投首則與罪人自首  
相同祇因燎傷事主之妻損傷于人不能全免其罪  
耳臣查王文英等四犯投首情節雖俱在蔣三被獲  
之後但蔣三于十七日晚始解到金壇則文英等十  
五日自首之時蔣三尙未將伊等供報在官差捕拘  
拏文英等不敢逃遁而先向事主自首猶有悔罪之  
心檢查前有撫臣馬祐文

題擬行劫溧陽縣事主任文然家自投盜犯許壯修錢  
招弟一案因同夥薛茂文等先經被獲到官供出壯  
修招弟俱知風逃竄問官將伊等父母拏禁着落親  
屬追比爲姊夫張士凱母舅史成之尋獲始行赴縣  
投監前撫臣以其追捕窘迫勢窮始投援名例事發  
在逃不准自首擬斬具

題部臣以所議未協將壯修改議免死照強盜自首減  
等充軍奉

旨允結在案此案情事相同且王文英等雖或風聞蔣三  
被獲懼露而首然未經官司審出指名拘捕先可事  
主說明及托得相容隱之人首官較之許壯修等逃  
匿在外直至拘繫父母追比親戚始行投到者更爲  
可原反覆推詳王文英李謙吉蔡恂蔡復囚犯自首  
旣確原擬充軍委無失縱應否減等合聽部議其續  
獲夥盜徐鳴九雖賊經花費歷審行劫分贓自供不  
諱且現盜贖証甚確按律梟斬不枉名下贓物仍照  
數追賠給主茲據該司招詳前來臣覆核無異相應

具

題伏乞

勅下法司核覆施行

康熙十六年四月初七日

題奉

旨三法司核擬具奏

*（Faint bleed-through text from the reverse side of the page, including characters like '旨', '三法司', '核擬', '具奏', '刑部', '法部', '大理寺', '刑部', '法部', '大理寺', '刑部', '法部', '大理寺'）*

總理糧儲提督軍務巡撫江寧等處地方兵部右侍郎兼都察院右副都御史加二級臣慕天顏謹

題為酌計墾荒起科之例亟宜因時變通以資軍

國大用事該臣看得丹徒縣遷廢沙洲田地案于康熙

八年十一月內奉到遵

旨會閱等事一案部行令民炤舊復業居住臣于前任江

藩之日細查此等撤棄沙洲佃民失業日久雖奉復

還而墾種無資修築之費以致逡巡畏縮是以遍張

曉諭宣布

皇仁飭令地方官多方招墾加意撫綏務俾遷民盡歸故

皇恩自應一例于康熙十五年始數起科以資  
國課續准戶部題覆臺臣焦榮條議在將康熙十二年  
以前開墾田地于康熙十五年起科逕卽通查從前  
墾過荒廢田地數目逐一造冊詳報陞徵先據該司  
府縣詳稱徒邑沙洲遷廢十載洲民流離失業廬舍  
無存耕農無具雖加意招徠而困苦萬狀至康熙十  
四年方得漸次還鄉陸續墾闢又因田地拋棄多年潮  
漲岸傾更有坍塌入江不能招原遷舊額之數且此  
甫集哀鴻與就地墾荒之民物力工費難易不同請  
加寬緩徵輸以甦積困臣念軍興孔亟需餉浩繁雖  
播遷洲民倍宜加恤然自康熙十年十一年間卽開  
墾成熟業已久沐

皇恩自應一例于康熙十五年始數起科以資

國用批令該司查明開墾確數應徵項欵造冊造詳去  
後今據布政使丁思孔造冊呈詳前來臣查冊開丹  
徒縣原報遷沙失業田地共一千四百一十九頃三  
十二畝零于康熙十年起至十二年止共開墾過沙  
湖田地岸灘七百四十七頃三十三畝零遵炤部文

于康熙十五年起科應徵起存地丁銀六千三百二十  
十二兩三錢四分零本色起存米七千八百五石零  
麥一百九十石二斗零除起運地丁漕項河工行月  
等項錢糧應歸原欸支用其存留項下按欸計筭應  
陞銀一百二十五兩七錢零雖應歸欸支給但今

國用殷繁各項錢糧見議裁減此存留支給應陞銀兩  
所當暫充餉用俟事平仍歸原欸支給俱經飭令該  
司彙入康熙十五年地丁冊內一併

奏銷此案招徠勸墾倍多艱難臣多方撫諭方得漸次

來歸今康熙十五年分已陞復

合計共得一萬四千餘之數稍裨

國用之萬一惟是原報遷沙舊額除今墾陞外尙該復  
業田地六百七十一頃九十八畝零據稱沙民播遷  
日久一時無力復業且因圩岸傾廢坍沒不能照原  
遷舊額等語臣恐地方官不能設法招撫致未盡復  
或有已墾遺漏未開情弊現飭該司遴員確 應俟  
勘明續墾數目詳覆另疏題

報再查康熙十五年應陞正改兌正耗漕米因漕限屆期



辦得飭催該縣將徵完在倉米石儘數起運臣經于恭報  
漕糧開幫日期疏內

題明應俟藩司核確細數于此案報部查核今據稱將

在倉之米儘運計多一百三十四石二斗零仍應聽

于倉項內扣抵合併陳明除將造到應陞錢糧欵項

細冊送部查核外臣謹會同總督臣阿席熙總漕臣

帥顏保令詞具

題伏乞

勅部議覆施行


康熙十六年五月初四日

題奉

旨着察核該部知道

國

國



題咨外開墾成熟蘆課田地划埂草泥水灘四十八萬  
七千一百四十七畝零該增徵課銀一萬七千一百  
七兩四錢零行據各屬咸稱此復沙田灘荒廢已久  
築闢經營艱苦倍常額請槩照部覆御史焦榮條奏  
俱自康熙十五年起科納課臣念失業遷民雖應破  
格軫恤第當需餉浩繁之際未便准從查蘆葦生于  
水面不煩耕種令各從招復之年起科續據丹徒江  
都等縣以蘆課內仍有籽粒則田積年拋棄荒蕪必  
須人力資本墾種加以沙洲濱臨江海波濤衝擊圍

岸溝涵悉多決沒淹廢修築濬治工程加倍實與墾  
荒無異應將籽粒蘆田復業戶屬田地一例于康熙  
十五年爲始徵輸起課其產蘆沙洲報陞蘆草泥水  
等灘各按復業年分起課計康熙十十一十二十三  
十四等年共該陞課銀一萬九百三十五兩零此又  
在增額二萬二千四百九十七兩零之外應補徵節  
年之數充餉者也但此復業蘆灘補徵節年課銀積  
筭旣多若干一年之內併徵完解恐失業窮民力不  
能繼據藩司酌議請自康熙十五年起各分一年帶

徵將應徵年分詳註復沙冊內所當仰懇

皇恩鑒允俾得次第輸將庶幾稍寬其力則甫集衷鴻咸

荷更生矣再照舊額內常熟縣白茆蘆灘七千一百

四十三畝零據叅政遲日震今勘丈見田地七千六

百二十四畝零原係蘆田現堪播種米豆成熟是以

議照戶屬田地改徵條漕每畝一斗九升起科該科

平米一千四百四十八石七斗零其應徵本折銀米

各數見據藩司另造清冊報部此項豁課陞漕所減

課額較之所增銀米計有溢出米五百五十二石零

雖爲數無多亦從裕指所出米正五百五十二石零  
國起見相應

題明此案清查確勘歷經歲月始得竣事其間招農勸  
墾分疆安插靡不殫嘔心力今康熙十五年現增及  
帶徵課銀二萬三千六百有奇稍資軍需之萬一五  
年之內合計新課可得十餘萬兩將來循例清丈務  
無隱漏卽有坍缺而勤加稽察撫循逐年變則加額  
及查新漲召佃抵坍似可有增無減也至于各屬圈  
棄沙洲佃民流移已十餘年其地久成汗萊雖奉復  
還而苦無資種又無廬舍率多墜巡畏縮臣飭  
府縣各官廣布

朝廷德意極力招徠勸勉一歲之內有墾陞萬畝以至數  
萬有餘俾

國課無虧流移得所雖臣居藩任時職分當爲而府縣  
各官招勸撫輯之成勞似亦不可泯沒應否照墾荒  
一例議敘合併指明以聽部臣察奪除將造到各屬  
清丈圖形坵號細數與簡明總數并勸墾復沙各官  
職名數目及歸漕田畝銀米細數各冊同承丈官印

結一并送部察核外相應具

題伏乞

勅部核議施行再照此案先因蘆洲水漲難施弓管并地方遼濶履畝丈勘非旦夕可竣難照

欽部件例限同論緣由節經前撫臣馬祐具疏

奏明奉

旨俞允在案理合一併題明

康熙十六年五月初四日題奉

旨該部核議具奏

總理糧儲提督帑務巡撫江寧等處地方兵部右侍郎兼都察院右副都御史加級臣慕天顏謹

題爲請

旨事康熙十六年六月初一日戌時准兵部密咨內開康

熙十六年五月二十七日該議政王等會題內議郎

中色度從岳州回來口稱岳州鳥船甚是得用等語

查鎮江原有海戰之艦水艍犁艍等船今此等船隻

尙有若干有無鳥船若有此項船隻可否見今得以

急用如見今不可用應修補用每船修理價值需用

若干之處俱交與總督阿席熙逐一詳細確查作速

具題可也等因具題奉

旨江南所有水艚犁艚鳥船等海戰之船着巡撫慕天顏  
詳查具題再崇明船隻着提督劉兆麒查明具題其浙  
江定海等海邊所有此等船隻着巡撫陳秉直查確具  
題伊等將此等船隻作速詳察交與驛站筆帖式速行  
賫奏餘俱依議欽此爲此合咨貴院將戰船共若干可  
用水艚犁艚鳥船等船每項若干不可卽用應修某  
船若干此修理每船需用價值若干逐一詳細確查  
作速具題交與驛站筆帖式賫奏施行等因到臣

此隨經移會總督臣阿席熙鎮海將軍臣丁

一

明提督臣劉兆麒并行蘇鎮二府船政官確查去後  
于本月初三日先據蘇州府船政海防同知劉大慶  
呈稱遵奉查得蘇屬沿海各汛惟崇明水師提標有  
沙船一百隻以資防禦其吳淞川沙福山太湖平望  
等營各有哨探沙唬船隻其中並無水艚犁艚鳥船  
等項修理需用價值無從查造等情又于初四日准  
鎮海將軍臣王之鼎咨覆內稱案查京口原設有水  
艚犁艚船一百隻奉



旨拆卸現今京口並無船犁鳥船無憑修理今准前因相應咨覆等因除崇明船隻應聽提督臣劉兆麒查明另疏具

題外該臣看得大兵進勦岳州需用戰船奉

旨行臣將江南所有水船犁船鳥船等海戰之船詳查具題臣查京口原于順治十八年造設水船船五十隻犁船五十隻康熙三年曾經小修一次至康熙六年止大修過船五十二隻尙有四十八隻停泊日久腐爛不堪該前督臣麻勒吉具疏題

請部覆將未修四十八船准其拆卸其餘五十二船自康熙六年修理之後復因年久停修朽壞又經督臣兩席熙題

請一并拆卸擇取堅實板木釘繩等項選爲現修沙唬船隻之用奉有

俞旨遵行在案則是京口原設水船犁船各船業已盡數拆卸並無遺存現在止有沙唬船二百七十四隻經制可考至于鳥船一項京口崇明等處向來原未成造再查臣屬沿江沿海各營汛如漕標廟灣等營及

提標川沙營并吳淞太湖等營亦各有沙唬巡船數  
隻並無水艚犁艚烏船等船似均無從查報其修理  
之處亦無庸議惟是進勦岳州攻戰需船爲制勝之  
具臣敢不殫心籌畫今旣無水艚犁烏船現在可用可  
修或大兵軍前必需此等船隻勢須從新成造臣查  
往特報銷細冊水艚犁艚每隻工料銀二千一百餘  
兩副備損具銀二百九十餘兩而烏船江南木經成  
造約比水艚較爲長大雖所費頗繁工程亦必數月  
難應目前之用然酌計宜先臣隨一面遍覓諸練序  
工逐一確查估計務從節省核明工料數目另具疏  
交驛站筆帖式賚奏外但應否成造若干隻仰候

睿鑒勅部議覆施行所有現在無船情由理合據實

題覆

康熙十六年六月初五日

題

總理糧儲提督軍務巡撫江寧等處地方兵部右侍郎兼都察院右副都御史加一級臣慕天顏謹

題為遵

旨會議事康熙十六年六月十三日准兵部密咨內開該  
議政王等會得康熙十六年六月初七日奉

上諭岳州大將軍貝勒尙善等題稱若得鳥船四十隻可  
以破賊既稱破賊鳥船得用應令速造鳥船其造船事  
宜着交與巡撫慕天顏設法令各官捐助作速僦造鳥  
船四十隻以資大兵之用着議政王貝勒大臣會議具  
奏欽此該臣等會議得貝勒尙善等身在地方既稱鳥

船破賊大有得用相應欽遵

上諭製造烏船四十隻交與巡撫慕天顏設法鼓勵文武官員及鄉紳捐助成造其造船時該撫遴選賢能官員作速製造若所造之船精堅告成迅速將監造及捐助各官俱聽該部酌量從優議敘再成造此船高矮寬狹板片厚薄應行文大將軍貝勒尙善逐一開寫明白一發江寧巡撫一咨兵部再烏船比沙唬船甚大所需錢糧甚多若各官所捐錢糧不敷該撫將四十隻船共需錢糧若干現捐之銀若干不敷銀若干具題到日再行會議可也等因康熙十六年六月初八日題本日奉

旨依議欽此密封到部爲此合咨欽遵查照施行等因到臣准此隨經飛移將軍督撫鹽漕提鎮諸臣并行所屬司道府州各官多方勸諭設法捐助外該臣看得岳州軍前需用烏船先奉

命旨行查江南水船犁船烏船等海戰之船臣經查明江南從未經造烏船見在京口及沿海各營亦並無船犁船隻隨具密疏

題覆在案臣念軍前制勝藉茲戰艦勢所必需而成造  
匪易一面訪覓能造烏船之人一面先行酌估艚犁  
工料據府廳各官確估水艚犁艚二項船每隻連副  
備損具需用銀二千九十兩零其成造時日物料全  
備必須五六個月至烏船實係江南匠役未諳必須  
採訪于閩浙地方臣正在繕疏覆

奏間接准部文

勅臣着令各官設法捐助僦造烏船四十隻臣仰惟  
皇上命臣至意收不殫心料理以應大兵進勦急需但查

烏船係戰攻之具務須堅固合式向來江南既未承  
造自難得巧匠良工臣隨飛咨浙閩督撫諸臣星取  
經造匠役及畫圖樣式至日參酌興工其高矮濶狹  
板片厚薄應候大將軍具勒開寫明白照造臣思遙  
度不如目覩又端差帶領匠人馳赴軍前具啓大將  
軍面示圖式以期精當得用惟是烏船比艚犁更爲  
高大所需錢糧極其節省每隻約費三千餘金共約  
需銀十三萬餘兩爲工既鉅爲期又速在臣子同仇  
共奮自當盡力捐輸臣力雖薄敢不罄括爲率屬之

首倡文武官紳以及好義士民臣當與藩司多方鼓  
勸嘔心區畫襄此大工但爲數甚多勢難捐足或請  
銷可動之項或另設無礙之法或照見行船工事例  
捐納補帑統候估定工料捐有成數酌量不敷多寡  
容臣另

題定奪目前萬緊軍工立需採辦若待捐銀濟用不無  
稽悞臣行藩司先動貯庫見銀分委買料及時應工  
將來一一補苴皆臣與藩司之責所有捐助事宜稽  
核銷筭應端在布政使丁思孔一手經理者也至監

造之官部行令臣遴選賢能臣查松江府知府魯超  
久任船政歷著成績必能勝任江寧府知府孫芳常  
州府知府單務嘉素有幹才亦堪委用京口船政同  
知任道立見任督造是其專責相應今此四官分設  
四廠各監造烏船十隻庶羣策羣力易于奏功而採  
辦各料最難者惟大桅產植甚少臣細加揆度省城  
木商及諸料幅輳應將棕鐵等物採之他省者另委  
買辦其餘木料等項應責江寧知府孫芳承任而設  
廠近在省會不時臨驗工次懲怠勵勤應責按察使

崔維雅查察者也再查成造工程往昔艍犁等船經  
年方竣今卽星夜催僨亦須半載烏船之工比艍犁  
更繁且待取匠于閩浙發式于楚師又需時日臣惟  
有日夕躬督務在六個月內報竣解楚不敢少厯

睿衷其捐助數目核估料價設法錢糧酌開事例俟開工  
日另疏陳請外所有遵行緣由合先據實題

報仍乞

皇上勅令閩浙督撫臣速將練匠圖冊解臣起工僨造施  
行康熙十六年六月十四日題 撫吳封事卷一 終

